

Intfo letsite lekhethsekile

Ibhalwe nguJacqui Lange | Imidwebo idvweijwe nguJulie Smith-Belton

“Kuku-kuku-kuku, ngenani bomuhle bami!”

Onkhe emalanga kusihlwa, gogo waJasmien bekabita tinkhukhu takhe titolala, bese uyativalela kuze atigcine tiphephile kuletilwane letilambile.

Bekutsi futsi njalo ekuseni, Jasmien atikhiphele ngaphandle letinkhukhu futsi bese ugcogca emacandza letiwatalele. Bekuyincenye yakhe yelilanga labeyitsandza kakhulu kwendlula konkhe.

Tinkhukhu taGogo tatibumbeke ngekwehlukana futsi tingalingani ngebukhulu, kodwa Jasmien bekatsandza yinye kwengca tonkhe. Nkhosatana bekanemacashati. Bekanesichova lesishwilene nesisila lesivulekile. Ngesikhatsi Jasmien apha tikhukhu tikhokho, bekenta siciniseko ngaso sonkhe sikhatsi kutsi Nkhosatana utfola kwelikhetselo lekucala.





“Nkhosatana, ungulokhetsekile wami,” Jasmien ahlabela ngelivi leliphansi.

“Akukafaneli kutsi ube nalotitsandza kakhulu kwendlula letinye,” kwatsetsa Gogo. “Yonkhe inkhukhu ikhetsekile ngendlela yayo.”

Kodvwa Jasmien abengakhoni kutibamba. Abetsandza Nkhosatana kwendlula tonkhe.

Ngalelinye lilanga, Nkhosatana wanyamalala.

Jasmien wafuna yonkhe indzawo, kodvwa Nkhosatana abengekho.

“Mhlawumbe udliwe ngulohheya,” kwasho Eddie.

“Noma imbolwane?”

Jasmien akafunanga kucabanga ngaloko.



Kwendlula emaviki lamatsatfu lamadze Nkhosatana angekho. Kwaze kwaba kungalelinye lilanga ekuseni Jasmien ahamba ayovulela tinkhukhu. Weva umsindvo webutjiyo-tjiyo.

BekunguNkhosatana, anemantjwele lasitfupha laphuphuma boya amlandzela!

“Kuku-kuku-kuku,” kwasho Gogo. “Nkhosatana Lohlakaniphile, uyabhaca kute uchobosele emacandza akho!”

Manje Jasmien abesanatinyenti **letikhhetsekile.**



Intfo letsite lekhethsekile

Ibhalwe nguJacqui Lange • Imidvwebo idvwetjwe nguJulie Smith-Belton

Imibono lokungakhulunywa ngayo

Lady bekakhetsikile kuJasmien. Yini noma-ke ngubani lokhetsekile kuwe? Ukhethseke kanjani? Ngalesinye sikhatsi utiva ukhetsekile yini noma cha? Kungani?

Lokubukwako

Bukisisa lesifombe kulamakhasi ekucala lamabili alenzaba. Kungaki kwaloku lokulandzelako longakutfofa:

- ★ tinkhukhu
- ★ emabhasikidi
- ★ iminyango
- ★ emacandza
- ★ emafasitelo
- ★ boshimela

Kufundza

Funa emagama! Tfofa ngalinye lalamagama kulenzaba bese futsi utfofa nekutsi ngalinye lawo lichaza ini? hlakanipha, shwilana, fukutela, lambile, kudze, macahacabha.

Kubhala

Dweba sifombe saLady emantjwele akhe lasifupha. Nika lintjwele ngalinye ligama. Bhala ligama ngalinye ngaphasi kwesifombe selintjwele noma-ke ucele lomunye akubhalele.

Umsebenti wetandla

Dweba bunjwa lolicandza ekhadibhodini lemhlophe noma ephepheni, bese uyamsika uyamkhipha. (Cela umuntu lomdzala akusite uma ngabe kunesidzingo.) Hlobisa licandza lakho ngekulidweba emaphethini lehlukene noma uwapende.

Kulingisa

Tingaki tindlela longasho ngato emagama emisindvo lekulenzaba, kuku-kuku-kuku, webutjiyo-tjiyo? Ungayisho yini njengenkukhu lenzala uphindze futsi uyisho njengelintjwele? Fundza lenzaba uphimise usho lamagama ngetindlela letifanele tehlakalo talenzaba. Noma, cela lomunye akufundzele lenzaba, bese-ke uyangena uma sebasho lemisindvo.